

**САНХҮҮ ЭДИЙН ЗАСГИЙН ИХ СУРГУУЛИЙН БАКАЛАВРЫН  
ӨДРИЙН ХӨТӨЛБӨРТ СУРАЛЦАХ ГЭРЭЭ**

2019 он ... сар ...өдөр

УБ хот

Энэхүү суралцах гэрээг нэг талаас СЭЗИС-ийн захиргааг төлөөлж, бакалаврын өдрийн хөтөлбөрийн эрхлэгч Наран овогтой Мөнхжаргал /цаашид захиргаа гэх/, нөгөө талаас ..... регистрийн дугаартай ..... овогтой ..... /цаашид суралцагч гэх/ нар доорх нөхцөлийг харилцан тохирч байгуулав.

**НЭГ. ЕРӨНХИЙ ЗҮЙЛ**

- 1.1. “Энэхүү гэрээний зорилго нь СЭЗИС-ийн захиргаа болон СЭЗИС-д суралцагч, түүнийг төлөөлсөн асран хамгаалагч хоорондын сургалтын харилцаа, сургалтын төлбөрийн асуудлыг зохицуулах, гэрээнд оролцогч талуудын эрх, үүрэг, хариуцлагыг тогтооход оршино.
- 1.2. Энэхүү гэрээ нь суралцах хугацааны турш хүчинтэй ба 2 хувь үйлдэж талууд тус бүр гэрээний хугацаа дуустал хадгална.
- 1.3. СЭЗИС-ийн захиргаа болон суралцагчийн хүсэлтээр гэрээг цуцалж болох ба энэ талаар аль нэг талаас санал гараагүй тохиолдолд гэрээг хүчинтэйд тооцно.
- 1.4. Гэрээтэй холбоотой маргаантай асуудлыг СЭЗИС-ийн зохих дүрэм, журам, стандартын хүрээнд шийдвэрлэнэ.

**ХОЁР. ЗАХИРГААНЫ ЭРХ, ҮҮРЭГ**

- 2.1 Суралцагчийг Монгол улсын “Боловсролын тухай”, “Дээд боловсролын тухай” хуульд заасны дагуу суралцах нөхцөлөөр хангаж ажиллана.
- 2.2 Сургалтын төлөвлөгөө, хөтөлбөрийн дагуу сургалт зохион байгуулах ба сургалтын төлөвлөгөөнд тусгагдсан хичээлүүдийг бүрэн судалж эзэмшсэн нөхцөлд тухайн мэргэжлээр боловсролын зэрэг, диплом, энгэрийн тэмдэг олгоно.
- 2.3 Шинэ оюутнууд чиглүүлэх үйл ажиллагаанд хамрагдаж, сургуулийн хамт олон, суралцах орчин, дотоод дүрэм, журам, стандарттай танилцуулна.
- 2.4 Суралцагчдад суралцах хугацааны турш хичээлийн байр, дотуур байр (орон нутгаас ирэх оюутан), спорт заал, номын сан, компьютерийн лаборатори, цайны газарын зохих журмын дагуу үйлчилгээ үзүүлнэ.
- 2.5 Суралцах хугацаандаа сургалтын дүрэм, журамд заасан тодорхой болзлыг хангасан оюутанд тэтгэлэг (захирлын нэрэмжит тэтгэлэг, боловсролын зээлийн сангийн тэтгэмж болон бусад тэтгэлэг) олгох асуудлыг холбогдох нэгжид хандаж шийдвэрлүүлнэ. Ёс суртахуун, төлөвшилийн зөрчил гаргасан оюутнуудыг тэтгэлэгт хөтөлбөрт хамруулахгүй.
- 2.6 Суралцагчийн сурлагын ахиц дэвшилд багш нар анхаарч, хяналттай ажиллахын зэрэгцээ түүний идэвхи, сурлага, хүмүүжил, төлбөр, ирцийн мэдээллээр эцэг, эх, асран хамгаалагч, захиалагч талыг хангаж ажиллана.
- 2.7 Суралцагчийг гэрээгээр хүлээсэн үүргээ биелүүлэх, сургалтын төлбөрийг төлсөний дараа сургалтанд хамрагдах шаардлага тавьж ажиллана.
- 2.8 Суралцагчийн хичээл сонголтод (хичээлийн хэвийн, хэвийн бус ачаалал, хуваарь зохиолт) зөвлөгөө өгч, ангийн зөвлөх багш нартай хамтарч ажиллах зохион байгуулалтыг хийнэ.
- 2.9 Төгсөх курсын оюутнууд харьяалах хөтөлбөрөөс зөвшөөрсөн хичээлийг бусад хэлбэрээр (цахим, орой, бямба г.м) судалж болох ба 1 кредитийн төлбөр нь тухайн жилд батлагдсан дүнгээр тооцогдоно. Энэ тохиолдолд хэвийн бус ачаалал үүсвэл төлбөрийг журмын дагуу шийднэ.
- 2.10 Сургалтын төлбөрөө цаг хугацаанд нь төлөөгүй оюутны хичээлд суух, цахим журналд бүртгэгдэх, оюутны системд нэвтрэх, шалгалт өгөх эрхийг тус тус хязгаарлана.
- 2.11 1 улиралд судалсан хичээлүүдийн 60%-д нь F үнэлгээ авсан эсвэл 2 улирал дараалан анхааруулах хуудас авсан суралцагчийн гэрээг цуцалж, сургуулиас хасна.
- 2.12 Тодорхой шалтгааны улмаас сургалтаас чөлөөлөгдөх хүсэлт гаргасан бол хүсэлт гаргасан өдрөөр тасалбар болгож, сургалтын төлбөрийг суутган тооцно.
- 2.13 Хичээл сонголтоор анги дүүргэлт гүйцээгүй бол группийг хаах ба оюутны хүсэлт, тэнхимийн зөвшөөрлөөр шинэ групп нээж болно.
- 2.14 Баталгаажуулах сонголт хийх үед төлбөрийн тооцоогүй байх ба төлбөр төлөгдөөгүй бол хичээл сонголтыг цуцална.

- 2.15 СЭЗИС-ийн удирдах зөвлөлөөс 1 багц цагийн төлбөрийг хөтөлбөр бүрээр жил бүр тогтооно.
- 2.16 Сургуулийн алба, нэгжээс гаргасан мэдээлэл, дүрэм, журмын өөрчлөлтийг мэдээллийн албан хэрэгсэлээр суралцагчдад танилцуулна.
- 2.17 Сурлага, урлаг, спортын амжилт гаргасан ёс зүйн зөрчилгүй, хариуцлага өндөр, нийгмийн идэвхтэй оюутныг төрийн болон төрийн бус байгууллагын тэтгэлэг, зээлд хамруулна.

### ГУРАВ. СУРАЛЦАГЧИЙН ЭРХ, ҮҮРЭГ

- 3.1 Суралцагч нь Монгол улсын “Боловсролын тухай хууль”, “Дээд боловсролын тухай хууль”, СЭЗИС-ийн дотоод болон сургалтын журмуудад заасан эрх үүргийг эдэлнэ.
- 3.2 Сургалцагч нь хичээл орсон багшаа үнэн, бодитой заавал үнэлнэ.
- 3.3 Суралцагч нь өөрийн бүх хүч чадлаа дайчлан идэвх чармайлт, мэрийлттэй суралцахдаа сургалтын үйл ажиллагаанд оролцогч талуудад хүндэтгэлтэй харилцаж, эв эсийг сахин СЭЗИС-ийн дүрэм, журам, тэдгээрийн өөрчлөлттэй тухай бүр танилцаж, ягштал мөрдөнө.
- 3.4 Суралцагч нь сургалтаас түр болон улирал, жилийн чөлөө авах, хичээл сонголт өөрчлөх бол харьяа хөтөлбөрт заавал мэдэгдэж, маягт бөглөнө. Шилжин суралцах, сургуулиас гарах хүсэлтийг улирлын 2 дахь долоо хоногоос хэтрүүлэхгүй хөтөлбөрт мэдэгдэнэ.
- 3.5 Сургуулиас зохион байгуулж байгаа сургалт, эрдэм шинжилгээ, урлаг спорт, хүмүүжлийн болон анги хамт олны ажилд идэвхи санаачилгатай, хариуцлагатай оролцож, сургуулийн эд хогшлыг ариг гамтай ашиглана.
- 3.6 Суралцагч нь улирал бүр, хичээлийн урьдчилсан ба баталгаажуулах сонголт хийж, хуваариа өөрөө зохионо.
- 3.7 Баталгаажуулах сонголт хийхдээ тухайн улиралд судлах багц цагийн төлбөрийн 50%-с багагүйг төлсөн байх ба 8-р долоо хоногт үлдсэн төлбөрийг төлөх үүрэгтэй. Урьдчилсан сонголт хийхдээ сургалтын төлбөрийн тооцоогүй байна. Шинэ элсэгч эхний улиралд баталгаажих сонголтоор хичээл эхлэх тул улирлын төлбөрийг бүрэн төлсөн байна.
- 3.8 Суралцагч нь англи хэлний хичээлийг сонгохын өмнө түвшин тогтоох шалгалт өгнө.
- 3.9 Сургалтын төлбөр нь ямар субъект төлөхөөс үл хамааран сургуулийн хэвийн ажиллагааг хангах үүднээс урьдчилан төлөгдөх ёстой ба тэтгэлэг, тэтгэмж, тусламж, зээл зэргийг сургуулийн дансанд орсны дараа урьдчилан төлсөн төлбөрийг буцаана.
- 3.10 Суралцагч нь сургалтын төлбөрөө тооцох, төлөх, суутгуулахдаа СЭЗИС-ийн Ректорын 2019 оны 06 сарын 20-ны өдрийн 08 тоот тушаалын хавсралт №1-д заасныг баримтална.
- 3.11 Оюутан өөрийн хариуцлагагүй үйлдлийн улмаас бусдад хохирол учруулсан, судлахаар сонгосон хичээлийг цуцлаагүйтэй холбоотой төлбөрийн хариуцлагыг бүрэн хүлээнэ.
- 3.12 Оюутны суралцах хугацааны нийт голч дүн 2.0 ба түүнээс дээш тохиолдолд БАКАЛАВР-ын зэрэг, диплом авна.
- 3.13 Суралцагч нь мэдээллийн систем дэх хувийн мэдээллийг үнэн, зөв оруулах ба өөрчлөлт бүрийг шинэчлэн тэмдэглэх үүрэгтэй. Худал мэдээлэл оруулсан, мэдээллийг устгасан, системд нэвтрэх нэр, нууц үгээ алдсанаас үүдэх хариуцлагыг өөрөө хүлээнэ.
- 3.14 Суралцагч нь заавал номын сангийн болон оюутны үнэмлэх, сургуулийн албан э-мэйл хаягтай байх ба оюутны үнэмлэхийг эхний удаад үнэ төлбөргүй авна.
- 3.15 Сургалт, багш, албадын үйлчилгээтэй холбоотой асуудлаар санал гаргах, шүүмжлэх, шаардах эрхтэй.
- 3.16 Суралцагчийн эцэг, эх, асран хамгаалалагч нь сурлага, төлбөрийн мэдээллийг авах эрхтэй.
- 3.17 Оюутан нь эрүүл мэнд, нийгэм, хүмүүнлэгийн чиглэлд нийтийг хамарсан кампанит ажил (улс, орон нутгийн болон сургуулийн зүгээс) зарлагдсан үед идэвхтэй оролцох үүрэг хүлээх ба өөрийн сайн дураар нийгмийн дадлага хийж, хамгаалж болно. Тухайлбал сургууль, дотуур байрны орчны тохижилт, ариун цэвэр соёлжилтод сайн дурын үндсэн дээр дэмжлэг, туслалцаа үзүүлж ажиллаж болно.

### Гэрээ байгуулсан:

Бакалаврын сургалтын албаны дарга:

Оюутан: .....

Эцэг, эхийг төлөөлж: ..... /...../

..... /Н.Мөнхжаргал/

Э-мэйл: .....

Утас: 11451956

Утас: .....